

Inzko: Provedba presude “Sejdić-Finci” će koristiti svima i ponovo uspostaviti tradicionalne vrijednosti u BiH

22. decembra navršava se šest godina kako Bosna i Hercegovina ne uspijeva provesti presudu Evropskog suda za ljudska prava u predmetu “Sejdić-Finci protiv BiH”. “Bosna i Hercegovina, kao članica Vijeća Evrope, ima obavezu da riješi ovo pitanje. Provedba presude u predmetu ‘Sejdić-Finci’ ići će u korist svima u Bosni i Hercegovini. Ova presuda predstavlja jasnu osnovu na kojoj je moguće štititi i njegovati raznolikost koja obogaćuje i jača strukturu bh. društva,” izjavio je visoki predstavnik Valentin Inzko.

Ova godišnjica je dobra prilika da još jednom podsjetimo organe Bosne i Hercegovine da trebaju uskladiti Ustav ove zemlje i njen izborni sistem sa presudom Evropskog suda za ljudska prava i Evropskom konvencijom o ljudskim pravima.

“Suština presude ‘Sejdić-Finci’ je da se osigura da svaki građanin Bosne i Hercegovina uživa ista prava kada je u pitanju učestvovanje u javnom životu. Radi se o uklanjanju diskriminacije iz društva. Provedba ove presude bila bi pokazatelj zrelosti institucija BiH i dokaz njihove privrženosti toleranciji i otvorenosti. Osim toga, pomogla bi da se ponovo uspostave tradicionalni način života i vrijednosti bh. društva, gdje je svaka kultura bila prihvaćena i tretirana jednako i gdje je svako imao jednako pravo da bira i bude biran,” zaključio je visoki predstavnik.